

武陟縣志

辛未孟秋
開封許鈞署

武陽縣志目錄

第一卷

聖製

第二卷

目錄
脩志姓氏
採訪條例
凡例

第三卷

縣境圖
沁河圖
縣城圖
二十里甲圖

第四卷

衙署圖
學宮圖
書院圖
武廟圖
嘉應觀圖

第五卷

紀事沿革表

第六卷

職官表

第七卷

選舉表

第八卷

疆域志

第九卷

山川志

第十卷

風俗志

第十一卷

物產志

第十二卷

祥異志

第十三卷

田賦志

第十四卷

河防志

第十五卷

建置志

第十六卷

學校志

第十七卷

祠祀志

第十八卷

兵防志

第十九卷

古蹟志

第二十卷

經籍志

第二十一卷

碑碣志

第二十二卷

文詞志上

第二十三卷

文詞志下

第二十四卷

名宦傳

第二十五卷

先賢傳

第二十六卷

耆舊傳

第二十七卷

孝友傳

第二十八卷

義行傳

第二十九卷

忠節傳

第三十卷

隱逸傳

第三十一卷

流寓傳

第三十二卷

方術傳

第三十三卷

列女傳

第三十四卷

釋道傳

第三十五卷

志餘

第三十六卷

敘畧

陽縣知縣王藻謹纂輯

聖教之隆凡以孝義貞順之操足以觀風化陰德所
至無不方矣所謂列女之行其知義能訓敦勗成業者上
也淑色令儀連慈不怠者次也至於矢咏柏舟專志精白
黜食茹荼老殘而弗渝此則遵命之不辰婦人之終節而堅
貞之至通可嘉祥以著日月之輝表揚著於令典
聖治八風風化無不舉博議知恥此戶可封中閨節烈可傳
不虛知武陟一邑之風自今之齊冰潔自守合於旌例

盡不下數百人豈非僭竊人國應殺所當之故哉處艱蹈
貞視之若庸行焉固其然乎然而山夫人之卓識遠度尤
全乎載下有餘矣

晉

山濤妻韓氏山公與嵇阮一面契若金蘭夫人覺公與二
人異於常夢問公公曰我當年可與爲友者惟此二人耳
夫人曰負羈之妻亦親數夢趙盾之可乎他日二人來勸
公並之宿具酒肉夜穿墻以視之連日忘返公入曰二人
何如曰羈才致殊不如正當以識度相友耳公曰伊輩亦
當以我度爲勝

世說注又引王隱晉書曰韓氏有才識海
求仕時載之口習與案當作三公不知卿

增爲夫
人不耳

宋

陳寬甫妻胡氏年二十三夫亡一子時在襁褓撫育成立
年九十而終

元

孝子蕭珣妻郝氏珣以居喪羸瘠卒氏年踰二十即歸
無生意未幾亦亡

明

鄭恭王繼妃王氏邑人王天敘女也王以建言獲罪
伴行躬運薪水王慰止之妃曰夫貴妻榮夫困妻憂

禁錮一十六年隆慶初釋王復爵道經武陟王命妃拜其家祠妃曰未謁慈姑先私父母非禮也王益重之歸國三月病逝王念妃共患難芳淑未彰請贈爲繼妃疏凡七上竟得俞允

鄭世孫夫人申氏邑人申蛟女也萬歷十三年以賢獲選勤脩婦儀告其姑曰祖爲賢王讓國若敝屣而吾身服珠玉玷高風矣槩屏不用賢淑聞於當時

鄭王妃劉氏王故無爵娶劉氏爲配後受鄭世子讓國冊封劉爲王妃冊文有曰靖共婦儀克勤內助國人以爲實錄官其父應楨爲兵馬司指揮

鄭世子繼妃杜氏吏員完實女崇禎元年應選性貞靜不喜華靡雖居藩室服用宛若寒素國人賢之

關備妻石氏孝親字孤鄉里賢之

庠生王璵妻趙氏璵早亡慟哭不已六日不食而死後其孫一元死妻李氏亦以身殉督學楊公表其門曰雙節

廩生穆珣妻薛氏于歸方二載珣卒遺腹生子撫養成立孝事舅姑終無二志壽八十餘終直指吳公旌其門

金銳妻李氏銳卒李卽自縊直指吳公扁其門曰貞烈

張小二妻鄭氏十七適小二越兩年夫歿一月後生一子

鄉人有謀娶者峻拒之初織養姑終老孀居年六十三卒

李景妻張氏李宏妻趙氏皆夫亡守志建有雙節坊

屈淳妻趙氏年二十一夫亡遺孤甫十月紡織事翁姑教子業儒成博士弟子員直指張公表其門

賈鶴年妻呂氏夫亡家貧撫孤成立守志靡他及其子婦等三世孀居並稱完節直指張公給扁旌之

毛鳳詔妻荆氏年十七適鳳詔甫十月而夫卒遺腹生一子撫養苦守年六十有四卒奉旨旌

舉人穆永吉妻郝氏相隨會試夫卒京邸哀慟絕粒竟以身殉事聞賜乘傳還葬

張聞行妻王氏嫁二載夫亡奉舅姑撫遺孤垂老不二人

以爲難

庠生王脩妻趙氏脩卒氏方二十二歲無子息謝絕親戚
閉門守節六十餘年督學周公旌其門

王氏歲貢衢之女適脩武生員薛復亨夫病篤與王訣曰
吾祈神代母幸獲安死亦何恨汝能善事姑乎王泣曰君
代母成孝妾豈不能爲君全節夫亡哀毀骨立欲以死殉
翁姑使老嫗密防之後稍怠卽縊死柩側距復亨之死方
八日也事聞詔建孝節坊於其門

劉慥妻朱氏慥青年卽逝遺孤二歲朱爲撫之教以業儒
竟至成立壽八十終奉旨旌

劉東陽妻趙氏夫亡氏年二十四紡織事翁姑畧無異志
壽七十二督學周公給扁獎之

荆衍祚妻李氏年十七歸衍祚婦道脩謹事翁姑以孝聞
未幾夫故或勸之嫁卽哀痛無已葬畢引繩自縊詔建節
烈坊以旌之

孫恩妻王氏恩故遺二子氏托夫弟志德同居撫育四十
年家業不替邑人稱賢

魏季姐幼字於王時宦時宦殤父更受聘季姐伏劍死郡
司理趙公元吉請直指袁公題旌其門建烈女坊

陳三友妻孫氏夫遭犬齧而斃孫哭之慟卽投繯屍側